

靈寶領教濟度金書卷之一百十

洞微高士開光救苦真人竊金真授

靈寶通玄弘教水南先生林靈真編

科儀完成品 遵法道場用

午朝行道儀

燒香頌

各禮師存念如法

衛靈呪

丹靈朱火 炎霞激風 赤輪剛運 天光八衝

逆威包羅 交變萬方 流金豁落 群魔滅蹤

辟奸破妖 明耀元功 金符召制 躡雲策龍

謠歌慶會 散花太空 神化冥運 四極安隆

伏御帝前 罔有不恭 和與道合 具

鳴法鼓二十四通

發爐

无上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝闕啓玄壇天帝神君當召此間

土地里域真官正神急上闕啓臣今奉為齋

意以今午朝陞壇行道願得

玉清道炁靈寶妙光下降流入臣等身中令

臣所啓之誠速達仰御

太上无極大道至真玉皇上帝御前

請稱法位

具位奉行遷拔道場法事小兆臣某與臨壇

官衆等謹同誠上啓

虛无自然元始天尊无極大道太上道君太

上老君高上玉皇十方已得道大聖衆至真

諸君丈人三十二天帝君玉虛上帝玉帝大

帝東華南極西靈北真玄都玉京金闕七寶

瓊臺紫微上宮靈寶至真明皇道君三十六

部尊經玄中大法師上相上宰上保上傳太

平下教二十四真人西城總真王君太乙真

人東嶽上卿司命茅君定錄保命二真人名

山洞府得道神仙三界官屬一切真靈臣聞

一元疑妙混茫含无極之真三炁流華溟津

旋太空之象宰陰陽而開光五劫肇圓方而

贊化三才出法度人玄珠混十華之駕導運

御世丹金流九有之與碧霞羅絡於虛玄翠

霽彌綸於家廓靈書瓊瑤隱韻琳琅爰彰濟

度之科庸演裁成之澤臣等承顏綰綬綴武

聯班乘靈寶之金書四玄入妙佩洞玄之玉

策八景含華凡有皈投敢忘闕告况奉詞旨

謹為敷宣

宣詞

接如詞言極深激切齋主某肘行膝步目注

心馳悵九夜之沉淪孰伸援手倏一朝之陷

溺惟劇傷心匪上叩於家陽曷下超於鬱絕

恪遵玄範恭啓洪儀步虛叶曲素之音梵唱

謠空歌之韻珠幢鳳蓋擁玄座於金門鸞華

虬枝舞華綃於玉陛歸神金闕請命玉京所

冀玄鑒旁昭丹衷上御矜三途之鬼趣降五

色之神輝玉軌飛馳萬劫之塵根疏淪金符

洞耀千生之業垢澄清登壽域於銅關融春

臺於鐵壘靈光流煥无拘天門梵炁流行拔

出地戶香幽明而受度合今古以流輝以今

臨午陞壇行道請法衆等運茲初捨上香

願此香煙騰空徑上供養

无上至真道寶臣等皈身皈神皈命首體投

地仰依

太上三尊願以是功德上祝

九廟尊靈累朝列聖伏願麟駱汎景鳳馭飛
霄扶祚運於億齡蓮臺高步茂本枝於百世
騫圖凝神

皇帝履載齊尊儀璘並照仁周禹迹乘六龍
以御天惠通堯疆駕八駿而行地儲宮禁掖
昭贊皇國內屏外藩允昌帝業今故燒香自
皈依

師尊大聖眾至真之德得道之後保天長存
和與道合具

以今臨午陞壇行道請法眾等運茲二捨上
香

願此香煙騰空徑上供養

无上至真經寶臣等皈身皈神皈命首體投

地仰依

太上三尊願以是功德奉祝三途罪爽應度

亡靈伏願一精日皎萬安冰清觀妙始青生
善心而登樂界疑玄太素消罪性而脫苦輪
齋主某視履希夷毓神玄妙挹天光而介祉

七葉聯芳耐帝瀛以延齡五符定錄松蘿有
耀益茂芳猷蘭桂無塵克昭慶澤今故燒香
自皈依

師尊大聖眾至真之德得道之後升入無形
和與道合具

以今臨午陞壇行道請法眾等運茲三捨上
香

願此香煙騰空徑上供養

无上至真師寶臣等皈身皈神皈命首體投
地仰依

太上三尊願以是功德回祝臣等師友靈儀

祖玄遊識性天了悟心地虛夷千二百之戒
行月圓萬二千之歲儀整肅過去者受書朱
府均躋壽嗣之玄班見在者列籍東華疾證
芝圖之妙道以致山樓谷汲月鈞雲耕融萬

善以疑玄證六通而入妙榮名小有接武大
乘今故燒香自皈依

師尊大聖眾至真之德得道之後長享自然
和與道合具

禮方 懺方 命魔

步虛

控轡道十方 旋憇玄景阿 仰觀劫仞臺
俯眎紫雲羅 逍遙太上京 相與坐蓮花
積學為真人 恬然榮衛和 永享無期壽
萬春莫足多

又

大道師玄寂 升仙友无英 公子度靈符
太一捧洞章 舍利耀金姿 龍駕條來迎
天尊眇雲輿 飄飄乘虛翔 香花若飛雪
紛霽茂玄梁 頭腦禮金闕 携手朝玉京

又

蒼樹玄景園 煥爛七寶林 天獸三百名
獅子巨萬尋 飛龍躡躡鳴 神鳳應節吟
靈風扇奇花 清香散人襟 自無高仙才
焉能耽此心

三啓

樂法以為妻 愛經如珠玉 持戒制六情
念道遣所欲 淡泊正氣停 蕭然神靜默
天魔並敬護 世世享大福

又

鬱鬱家國盛 濟濟經道興 天人同其願
縹緲入大乘 因心立福田 靡靡法輪昇
七祖生天堂 我身白日騰

又

大道洞玄虛 有念無不契 鍊質入仙真
遂成金剛體 超度三界難 地獄五苦解
悉歸太上經 靜念稽首禮

三禮

臣等志心稽首禮
太上無極大道

臣等志心稽首禮

三十六部專經

臣等志心稽首禮

玄中大法師

重稱法位

具位_臣某與臨壇官眾等謹重誠上啓
虛元自然元始天尊無極大道太上道君太
上老君萬上玉皇十方已得道大聖眾至真
諸君丈人三十二天帝君玉虛上帝玉帝大
帝東華南極西靈北真玄都玉京金闕七寶

瓊臺紫微上官靈寶至真明皇道君三十六
部尊經玄中大法師上相上保上傳太
平下教二十四真人西城總真王君太乙真
人東嶽上卿司命茅君定錄保命二真人名
山洞府得道神仙三界官屬一切真靈_臣等
身際玄樞慶諧道運含育免未明還返之
天機躍鳳騰龍徒佩幽微之玄範尚焚龍而
賦質莫林壑以棲神寮過兢兢立功切切沛
紫虛之化雨敢背初盟弘黑鬱之仁風益堅
終誓今齋主某重念亡故某化機自織業網
誰張陰風網定水之波驚濤萬仞迷雲鎖業
山之壁惡障千尋蠅管狗苟而動昧四知馬
躍猿騰而靜遠三戒天常披散人欲紛飛靈
臺之梨棗冬寒神室之荆榛春茂三元結疊
形已謝於三田二寇乘危悉永辭於尺宅驚
魂冰浦震魄炎池終天而五苦屏營極地而
三途流洩日非帝恩之曲宥曷令鬼趣之高
躋是以請命清微馳神紫極散香花於十界
稽顙投誠流梵唱於諸天擎拳皈命冀回淵
聽敷錫慈觀頌紫綉以召十方風清萬罪煥

丹綸而開六洞雲散千宛俾辭金剛之苦輪
徑上玉虛之梵境入生出死常遊宴於清都
返陰還陽水道過於紫闕頓頓徹無為之妙迥
超有漏之塵齋主某九厄潛消千災無挽世
際罹堆床之芻文獻流芳家傳華掃架之籤
詩書衍慶暢門關之喜色挹庭戶之歡聲上
願經緯澄寧璇璣昭晏煙雲蔽歛草木輝華
榆關絕飲馬之聲麥隴息遺蝗之警同文同
軌集鴻鴈於青春重暈重輪樂難勝於白日
地除簡對水絕盟言夜壑寒庭均開明於地
禁除曹幽採疾飛步於天堂則上明
天尊大慈之化下副齋主皈命之誠謹啓以
聞

發願

一願大道淡泊虛元安閑空寂澄清自居廣
開法門教導頑夫皆蒙惠澤精苦是修預
以同學者得升虛與天相保長存無憂
二願諸天結炁澄清高虛廣覆保真固靈氣
候調節四運和平國安民豐晉天開寧廣
濟一切惠速有生保劫長存億劫不傾

三願土地覆載無窮安平不陷海淪不崩保鎮家國兆民興從養生安死惠同十方禾稼滋植營運日豐咸得厚載萬類皆從

四願日月二景高明無有字蝕虧盈安清光照諸天洞消暗冥保固劫運世祚和平普

加潤惠澤洒眾生

五願星辰與日月齊光旁轉照耀映朗十方

各安其位經緯直行保鎮家國無有災傷

四海寧一普天興昌

六願四時隨節推遷景炁和調無有災傷疫

毒消滅普天安平五穀豐熟國富民權

七願浮雲結炁聚煙飛空高澄陰覆玄玄隱

則無為散則彌天神仙同歸結友眾真惠

流一切興國愛民普濟群生人同劫年

八願風雨流洒無窮普加施泄受其發揚萬

物滋生國儲民豐

九願五嶽各安其方魏魏包藏長為仙宮安

鎮國祚保天無終護度一切莫不仰宗

十願江海蕩蕩无極含容恢廓無細不植淵

奧柔惠潤加蠕息天人獲慶年同劫石

十一願帝王國主日昌四鎮安睦兵革不揚

天人歌唱吉應來翔敷教濟濟感化洋洋

兆庶稱慶長樂未央

十二願蜩飛蠢動已生未生咸蒙安全普得

生成皆見元炁受陽之形草木果林經冬

不零一切濟度靡不鮮榮和與道合真

存神燒香

香官使者左右龍虎君侍香諸靈官當令巨

臨午行道之所自然生金液丹碧芝英百靈

眾真交會在此香火爐前令巨學道得道求

仙得仙齊主受福幽顯沾恩十方仙童玉女

侍衛香煙傳巨向來所啓之誠速達徑御

太上无極大道至真玉皇上帝御前

出堂頌

回靜默堂

謝師

回向

靈寶領教濟度金書卷之一百十

靈寶領教濟度金書卷之一百十一

洞微高士關元教苦真人寧全真授

靈寶通玄私教水南先生林靈真編

科儀立成品選拔道場用

晚朝行道儀

燒香頌

各禮師存念如法

衛靈呪

五皇高耀瑞炁飛浮元始集神天地交周

玉符寶節嘯命微幽擲火揚威奸兇無留

萬魔振伏紛葩却消摧怪伐惡道炁周流

神光照夜陰翳俱收萬仙降格翕景乘醜

群生成遂惠通神州和與道合真

鳴法鼓二十四通

發爐

无上三天玄元始三炁太上道君召出巨等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝關啓玄壇天帝神君雷召此間

土地里域真官正神急上關啓巨今奉為齋